

Таҳажжуд намозининг қоидаларини тушунтириб берсангиз

16:06 / 27.04.2016 3583

Ассалому алайкум, Шайх жаноблари. Сиздан бир илтимосим бор, Таҳажжуд намозининг қоидаларини тушунтириб берсангиз.

ЖАВОБ: Бисмиллаҳир роҳманир роҳийм.

Бу намознинг ози икки, кўпи саккиз ракатдир.

Аллоҳ таоло:

«Кечанинг баъзисида у ила бедор бўл. Сенга нофила бўлсин. Шоядки Роббинг сени мақтовли мақомда тирилтирса», деган. (Исро, 79)

Ушбу оят ила таҳажжуд намозига тар-ғиб қилиш Қуръонда келгани эслатилмоқда. Кечаси бир ухлаб туриб ўқиладиган намоз таҳажжуд намози, деб аталади.

Шунингдек, бу намоз қиём намози, деб ҳам айтилади. Аввал бошида бу намоз вожиб бўлган эди. Бир йилчадан кейин вожиблиги насх қилинган.

Абу Умома розияллоҳу анҳудан ривоят қилинади:

«Пайғамбар соллаллоҳу алайҳи васаллам:

«Сизларга кечанинг қиёми лозимдир. Чунки, у сизлардан олдинги солиҳларнинг одатидир. У Роббингизга қурбатдир. У ёмонликларга каффоротдир. У гуноҳларни қайтарувчидир», дедилар».

Бошқа бир ривоятда:

«У жисмдан дардни қувувчидир» ҳам дейилган.

Термизий, Аҳмад ва ал-Ҳоким ривоят қилган. Валлоҳу аълам.